

奉天通志

第一箇一冊

大事漢魏晉上

壽而誦壽

奉天通志敘

遼東之有志始於元大德時之遼陽行省圖志其見采於大一統志者頗為賅洽惜原書久佚後世莫覩明修全遼遼東西志尚有傳本雖嫌漏略世仍珍若璆琳以其難得故耳有清盛時凡四修盛京通志康熙董本乾隆王本雖曰官修實同私撰惟乾隆九年及四十三年兩次欽定之本始純為官修大抵前者事核而失之簡後者語詳而失之尤勘以董王兩本亦時有出入異同論者謂此四志如新舊唐書五代史可以並存不廢洵篤論也顧居今日以稽前志可商推者實有數端粵稽清初以瀋陽為發祥之地尊之曰盛京或稱奉天閭外之地胥歸統屬故盛京通志取奉天吉林黑龍江之故實而並載之從時制也然自康熙間吉江兩地皆

設將軍儼與奉天分治光緒三十三年更以奉天與吉林黑龍江
同時改建行省況吉林通志成於光緒十九年不待行省之建已
自畫於奉天之外黑龍江志稿亦於近頃刻成獨吾奉天迄無志
書行世若謂有盛京通志可資考覈無事改作然此乃三省所共
奉天不得獨擅矧乾隆以後閱百餘年一方事蹟文物漫無方策
可稽久之將日就湮滅有心君子詎可忽諸不僅視彼吉江有媿
色矣此可商榷者一也昔者歐宋二氏修新唐書嘗謂事增於舊
而文省於前誠如是言不愧善製然即實論之文省而事亦未增
舊書仍不能廢今取盛京通志與遼東全遼兩志作一事較匪惟
前代之事蹟文物未能加詳抑且多所割棄良以清代修書時於
明代事多涉時忌寧棄勿取即求之元代以前明代以後亦復多

所漏略諸待蒐補蓋他省通志之完善者祇宜續修無事改作而奉省不然既非續修而為改作乾隆以後之事蹟固應續而往昔數千年之事蹟亦宜增補其漏略正其謬誤非十餘年之歲月不為功今則成書之限僅六七年未能美備又何怪焉此可商榷者二也古人之視方志本如禹貢山經略記疆域山川足矣華陽國志始記大事人物元和郡縣志太平寰宇記始記土產古蹟然以疆域山川為主土產古蹟人物為附之例歷代相承而未有以易也至清代章學誠氏有作始謂方志為一方之史紀傳志表圖錄一同史裁近世撰志多有用其例者於是大事如本紀人物如列傳得與疆域山川並重且覺後來居上矣奉志雖用舊例統名曰志而敘大事人物綦詳蓋參用章氏之法以備一方之史似舊實

新似因實創此可商榷者三也夫奉省之郡邑倍於吉江奉省之事跡文物亦繁於吉江而通志成書後於吉江不足病也惟始終迄無成書使一方之事跡文物日就湮滅是真邇人士之羞耳咸同之際金州隋汝數大令以盛京通志久未續修發憤而作遼海志積二十年之力而成書所載於奉吉江三方之外兼及熱河東部取材視舊志為恢廓而允雜譌誤之病仍不能免又以卷帙繁重無人為之刊行已存若存若亡之列噫著書難矣而著方志尤難及今而圖猶有事半功倍之效當務之急此之謂矣曩歲翟君煦人主奉天省政始議修志以白佩珩袁潔珊兩先生主其事並廣聘省內外之耆彥分任總纂纂修其後式毅承乏省政益趣其成並為別籌基金專作刊費歷時既久書始殺青為目二十為卷

二百六十是皆主其事者有經營締造之艱與其役者有所夕商量之雅實資羣策羣力非一手一足之烈所謂焚膏繼晷繞室傍徨辛苦而僅得之者誠哉其不易也吾省自有是書而事蹟益有依據文物乃可徵考譬如集眾腋而成裘匯萬流而成海不必涸羅無遺銖兩悉當而後賢考鏡一方故事者必以是編為淵藪豈非乙部之鉅觀方輿之要典也哉抑是編之輯限於時日未能將吾省近事悉加甄錄大事沿革藝文金石諸志敘述止於清末其他諸志間及近代亦頗疏略後之讀者亦將視如遼東金遼盛京遼海諸志有語焉不詳之譏是則嚮以舊志為病者今將反脣以稽新志矣尺有所短寸有所長簡編具在無可為諱補闕糾謬寔賴後賢孰是序也以當息壤並為方來之驗式穀亦惟拭目俟之

而已甲戌十有一月瀋陽臧式毅

奉天通志修輯職名

總裁

翟文選

臧式毅

館長

白永貞

副館長

索金鎧

總纂

王樹枏

新城

吳廷燮

江寧

世榮

瀋陽

吳闓生

桐城

金梁

瀋陽

金毓紱

遼陽

纂修

楊鍾義

鍾廣生

許寶蘅

倫明順德

魁陞

王樹翰

凜駿聲海城

陳思

王光烈

于省吾海城

趙家幹同原

胡景文

陶明濬瀋陽

韋煥章

史錫華遵化

劉鈞仁江蘇

許麟英

安文溥瀋陽

分纂

路朝臺

許同莘

穆成公北平

俞嵩年

王華隆

金魁鈞

王永祥

王鶴齡義縣

閻文

依良藩

王暉錦縣

徵訪

戴裕忱

白景祥

臨時徵訪

安如石

景賢

閻慶元

惠德安

校勘

劉常青

收掌

秦化田

唐學堯

事務處長

牛錫之

文牘

王經佐

楊縉雲

庶務

王學維

繪圖

曾傳任

繕寫

李炳燦

劉英秀

李長洲

曲禹九

周熙章

佟敬典

范錫權

王振汶

徐世綿

孟憲唐

秦守銘

張長懋

潤寶珽

卞聘之

徐振南

徐承志

徐紹周

承印

中山豐

奉天通志凡例

一通志體例以最近者為切用阮文達修廣東志已交通舊通志體例光緒初修山西通志則分譜考略記傳各目吉林通志則概曰志不立雜名新疆圖志亦概曰志而增國界藩部實業民政禮俗交涉道路諸門今就奉天情形量分門類統名曰志以歸畫一

一歷修盛京通志係統括奉天吉林黑龍江三省今吉林黑龍江兩省通志已有成書現纂奉天通志自有斷限似因竇創凡大事沿革皆須溯自秦漢以上其餘各類亦係古今兼考不使疏漏盛京通志原有者自應盡量採入其所未詳及乾隆以後之事俱經補輯一以翔實為主

一歷修盛京通志於明代事跡以涉時忌采摭頗少現明實錄尚存於遼東事跡頗為詳備已為盡量采輯此外如遼東全遼西志可免補者亦復不少並為分別列入清代事跡亦以實錄為主以徵因革損益之詳

一省志通例先考古次紀今先全省次各縣如大事志編年紀事沿革考古疆域紀今互相參考山川以山脈水道為主建置列城池津梁必分省縣宮殿陵墓自不能分禮俗分類詳叙各縣有特異者始為提叙並附以方言各志氏族僅詳姓氏奉省滿蒙漢等種族頗眾敘述宜詳田畝以墾丈為大宗物產實業皆按類分記職官緯之以表並以官蹟入焉民治專詳民事財政刑省縣兼詳教育選舉新舊分載不通雖新政而水陸舊道亦

不敢略歷代兵事既詳於大事志故軍備志祇記制度人物一志總以列傳而鄉賢勲閥略分細目義同七略先輯書徵其與本省事實有闕之詩文則別為文徵以收之金石文字亦廣為蒐訪勿使漏略

一各類敘述凡得之前志及古今記載者皆注書目於下其按各縣鄉土等志及各署檔案者亦皆一一注明用期徵信

一此次纂修通志程限過促大事敘至清末其他各志從其斷限不易分者間亦敘及近代所有未備事跡留待續修

一歷代史志如新唐書志文筆高簡而於事實頗略元史諸志近於瑣錄吏牘而於格條數目頗詳修志為取裨政治之用自宜以詳贍為主但亦稍具剪裁大約行文以新疆圖志為雅馴